

24. oktober 2018

UKA2018/107

Aningaasartuutit sulluunniit Inatsisartunit taakkulu allattoqarfianit aningaasartuutigineqartut kikkunit tamanit takuneqarsinnaangornissaat pillugu taamatullu kikkut tamarmik paasiniaasinnaangornissaat pillugu Inatsisartut Suleriaasiata allanngortinnissaanut Inatsisartut Siulittaasoqarfiat siunnersuuteqaqqullugu peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Niels Thomsen, Demokraatit)

Naliginnaasdumik Inatsisartut sulianik ingerlatsisarnerisa taamatullu Inatsisartuni ingerlatsinikkut aningaasartuutaasartut ammasumik ingerlanneqarnissaannik pingaartitsineq pissusissamisuuinnarpoq, tassami isertuussisumik isertuussiniarpalaartumilluunniit ingerlkatsineq peqqinnartuunngimmat. Kisianni aamma eqqaamassarput Naalakkersuinikkut sulineq aamma annertuutigut matoqqasumik sulinissamat pisussaaffiimmat pisussaaffiliisarluilu.

Siunnersuummili pineqarpiartoq Siumumiit paasilluarparput, tassa aningaasatigut ingerlatsineq ammasumik kikkunilluunniit takuneqarsinnaalersillugu periarfissiissoqassasoq, soorunami illersorneqarsinnaasumik ilusilikkamik.

Siumumiit takissuuliornata oqaatigissavarput siunnersuutip Inatsisartut siulittaasoqarfiannut ingerlatinneqarnissaa isumaqatigigatsigu, siulittaasoqarfiullu Inatsisartut suleriaasiannik nutarterinissaanut qangalili pilersaarutaasumut ilanngullugu suliarineqarnissaa kaammattuu-tigalutigu.

Siulittaasoqarfik sulilluarnissaanik kissaapparput.

Jess Svane, Siumut